

CURSO DI A.P.L.A. PA PERSONAL DI BIBLIOTECA

ORANJESTAD(AAN) -- Na October proximo lo bolbe cuminsa e curso basico pa personal di biblioteca.

E curso aki ta auspacia pa A.P.L.A. (Asociacion di Biblioteca Publico Antiyano y Arubano).

A.P.L.A. a keda funda na 1983 y tin como meta: promocion di bibliotecanan en particular di bibliotecanan publico y nan funcionamiento na Antiyanan Hulandes y Aruba.

E curso basico pa personal di biblioteca ta un curso por escrito na Hulandes cu un duracion di 1 aña.

Cu miras riba e necesidad na formacion di personal di biblioteca, e curso basico a keda desaroya completamente na Antiyanan Hulandes y Aruba.

Pa tin un bon chens pa termina e curso aki, cu ta un curso por escrito cu mester worde sigui pa medio di estudio propio, mester conta riba 10 hora di estudio pa

siman.

E curso basico pa personal di biblioteca lo tuma lugar ariba tur isla di Antiyanan Hulandes y Aruba simultaneamente.

Programa di e curso ta encera e siguiente vaknan:

- Historia, meta y structura di biblioteca;
- Conocemento di material di biblioteca y creacion di coleccion;

- Con pa haci asesible material di biblioteca;

- Literatura pa hubentud;
- Literatura Antiyano y Arubano;

- Medionan di comunicacion Antiyano y Arubano

Na final di e curso lo tin un examen oral. Pa por participa na e examen e cursista mester tin pa tur tentamen por lo menso un "voldoende".

Cursistanan cu pasa e examen cu exito lo haya un diploma. E diploma aki lo duna admision na e curso

avanza pa personal di biblioteca, cu lo cuminsa na November 1992.

Na Juni 1992 lo tin oportunidad pa pasa tentamen den e diferente nan; na Juli

esnan cu no a pasa e tentamen cu exito tin un segundo oportunidad.

Inscripcion por tuma lugar despues di presenta prueba cu e suma di inscripcion y placa

pa buki ta deposita. Pa mas informacion y inscripcion por acudi na Biblioteca Nacional, sra. Susan de Lange, George Madurostraat 13, telefoon 21580